

**Ғылым және технологиялар саласындағы ынтымақтастық туралы Қазақстан Республикасының Үкіметі мен Израиль Мемлекеті Үкіметінің арасындағы Келісімді бекіту туралы**

Қазақстан Республикасы Үкіметінің 1996 жылғы 28 ақпандағы N 253 Қаулысы

Қазақстан Республикасының Үкіметі қаулы етеді:

1. Алматыда 1995 жылғы 30 тамызда қол қойылған Ғылым және технологиялар саласындағы ынтымақтастық туралы Қазақстан Республикасының Үкіметі мен Израиль Мемлекетінің Үкіметі арасындағы Келісім бекітілсін.

2. Қазақстан Республикасының Сыртқы істер министрлігі осы Келісімнің бекітілгені жөнінде Израиль Тарабын хабардар етсін.

*Қ а з а қ с т а н                      Р е с п у б л и к а с ы н ы ң*

*Премьер-Министрі*

**Ғылым мен технология саласындағы  
ынтымақтастық туралы Қазақстан Республикасының  
Үкіметі мен Израиль Мемлекетінің Үкіметі арасындағы  
КЕЛІСІМ**

**(Келісім 1998 жылғы 30 сәуірден бастап күшіне енді -  
Қазақстан Республикасының халықаралық шарттары  
бюллетені, 2003 ж., N 11, 85-құжат)**

Бұдан әрі "Уағдаласушы Тараптар" деп аталатын Қазақстан Республикасының Үкіметі мен Израиль Мемлекетінің Үкіметі, өздерінің ғылымды дамытуға деген өзара мүдделілікке негізделген екі жақты ғылыми және техникалық ынтымақтастығын дамытып, нығайту мақсатымен,

теңдік, өзара пайда және халықаралық құқық принциптеріне негізделген өзара және технологиялық байланыстарды дамыту үшін құқықтық негіз бен қолайлы жағдайлар жасау ниетімен,

мына төмендегі жайында келісті:

**1-бап**

Уағдаласушы Тараптар өзара тиімді екі жақты ғылыми және техникалық байланыстар орнатып, дамытуға белсенді түрде жәрдемдеседі.

**2-бап**

Уағдаласушы Тараптар жаратылыс тану және техника ғылымдарының басым бағыттарындағы ынтымақтастықты екі елдің тиісті ғылыми мекемелері арқылы жүзеге асырады.

### **3-бап**

Ынтымақтастық мына формаларда жүзеге асырылуы мүмкін:

- үйлестірілген жұмыс жоспарларына, келісімдер мен келісім-шарттарға сәйкес ғылыми және зерттеу қызметі, зерттеу жұмысын жүргізу үшін ғалымдар мен мамандардың сапар шегуі, дәрістер оқып, баяндамалар жасау; ғылыми жиындарға қ а т ы с у ;

- аспиранттар мен стажерлер алмасу;

- осы келісімнің шеңберінде тараптардың тиімді пайдалануы үшін және бірлескен жобалар жасау үшін зерттеулердің жоспарлары мен нәтижелері туралы өзара тиімді а қ п а р а т а л м а с у ;

- аспаптар, жабдықтар және техникалық құжаттар алмасу;

- бірлескен ғылыми еңбектер әзірлеп, жариялау;

- үшінші елдердің ғылыми ұйымдарымен байланыс орнатылуына жәрдемдесу;

### **4-бап**

"Ноу-хауды" қоса алғанда, ғылыми және зерттеу жұмыстары, ғылыми зерттеулердің нәтижелерін, білім, тәжірибе және ақпарат алмасу осы мақсаттарда жасалған арнаулы келісімдерге сәйкес жүзеге асырылады.

### **5-бап**

Әдеттегідей, сапарлар өзаралық негізінде іске асырылады, қабылдаушы тарап сапарлар жөніндегі шығындарды толық өз мойнына алады. Барыс-келістің көлікке байланысты шығындарын жолдаушы тарап өтейді.

### **6-бап**

Бірлескен зерттеулердің нәтижелерін коммерциялық пайдалану тек қана арнаулы келісімге сәйкес жүзеге асырылуға тиіс.

### **7-бап**

Уағдаласушы Тараптар Ғылыми және техникалық ынтымақтастық жөніндегі бірлескен комиссия құрып, ол екі жылдық жұмыс бағдарламаларын талдап жасайды және олардың жүзеге асырылуы үшін жауапты болады.

## **8-бап**

Бірлескен комиссия өз мәжілістерін екі елдің астаналарында кезекпен, екі жылда бір рет өткізеді.

## **9-бап**

Қазақстан Республикасының Ғылым және технологиялар министрлігі мен Израиль Мемлекетінің Ғылым және технологиялар министрлігі Уағдаласушы тараптардың осы Келісімнің жүзеге асырылуын қамтамасыз ететін атқарушы органдары болып табылады.

## **10-бап**

Осы Келісімнің шеңберіндегі бүкіл қызмет аумағында, осы қызмет жүзеге асырылатын Уағдаласушы тараптардың қолданылып жүрген заңдары мен нормативтік актілеріне сәйкес жүзеге асырылады.

## **11-бап**

Осы Келісімнің түсіндірілуіне және қолданылуына байланысты пікір алшақтығы Уағдаласушы тараптар арасындағы консультациялар жолымен шешіледі.

Осы Келісім Уағдаласушы тараптардың өзара келісуі бойынша толықтырылуы немесе өзгертілуі мүмкін.

## **12-бап**

Осы Келісім Уағдаласушы тараптардың заңдарында көзделген тиісті мемлекеттік ішкі ресімдер орындалып, бұл жайында Уағдаласушы тараптардың әрқайсысы хабардар етілгеннен кейін күшіне енеді.

## **13-бап**

Осы келісім бес жыл мерзімге жасалады және осы Келісім қолданыста болатын кезекті мерзім біткенге дейін, кем дегенде, алты ай бұрын Уағдаласушы тараптардың бірі оны бұзғысы келетіні туралы жазбаша түрде мәлімдемесе, оның қолданыста болуы келесі бір жылға өзінен өзі ұзартылады.

Осы Келісімнің мерзімі біткен соң, Уағдаласушы тараптар осы Келісім қолданыста болған кезеңде қабылданған жобаларды одан әрі жүргізіп, тәмамдауға құқық береді.

Қазақ, иврит, орыс және ағылшын тілдерінде екі дана болып, 1995 жылы 30 тамызда, ал бұл 5755 жылдың 4 элулына сәйкес келеді. Алматы қаласында жасалды

және барлық төрт тексттің күші бірдей. Түсінік беруде пікір алшақтығы болған жағдайда ағылшын тіліндегі текске басымдылық беріледі.

Қазақстан Республикасының  
Үкіметі үшін

Израиль Мемлекетінің

Үкіметі үшін

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК